



- SENAT –

Broj: 01-14-71/19

Sarajevo, 27. 05. 2019. godine

Na osnovu člana 130. Zakona o visokom obrazovanju („Službene novine Kantona Sarajevo“ broj: 33/17) i člana 59, a u vezi sa članom 86. stav (3) Statuta Univerziteta u Sarajevu, Senat Univerziteta u Sarajevu je na 31. redovnoj sjednici održanoj 27. 05. 2019. godine, *donio*

O D L U K U
O DONOŠENJU POSLOVNIKA O RADU
VIJEĆA GRUPACIJE NAUKA/UMJETNOSTI
UNIVERZITETA U SARAJEVU

I

Senat Univerziteta u Sarajevu donosi Poslovnik o radu vijeća grupacije nauka/umjetnosti Univerziteta u Sarajevu, koji čini sastavni dio ove odluke.

II

Poslovnik iz tačke I ove odluke stupa na snagu danom donošenja i bit će objavljen na web stranici Univerziteta.

III

Ova odluka stupa na snagu danom donošenja.

REKTOR

Prof. dr. Rifat Škrijelj



Dostaviti:

- Organizacionim jedinicama UNSA
- U dokumentaciju Senata UNSA
- Arhivi



**POSLOVNIK
O RADU VIJEĆA GRUPACIJE
NAUKA/UMJETNOSTI
UNIVERZITETA U SARAJEVU**



UNIVERZITET U SARAJEVU

**POSLOVNIK
O RADU VIJEĆA GRUPACIJE
NAUKA/UMJETNOSTI
UNIVERZITETA U SARAJEVU**

Sarajevo, maj 2019. godine

Poslovník o radu vijeća grupacija nauka/umjetnosti Univerziteta u Sarajevu| 2.

SADRŽAJ:

I. OPĆE ODREDBE.....	4
II. SJEDNICE VIJEĆA GRUPACIJE.....	5
III. PRELAZNE I ZAVRŠNE ODREDBE	7

Na osnovu člana 130. Zakona o visokom obrazovanju („Službene novine Kantona Sarajevo“ broj: 33/17) i člana 59, a u vezi sa članom 86. stav (3) Statuta Univerziteta u Sarajevu, Senat Univerziteta u Sarajevu je, na 31. redovnoj sjednici održanoj 27. 05. 2019. godine, *d o n i o*

POSLOVNIK O RADU VIJEĆA GRUPACIJE NAUKA/UMJETNOSTI UNIVERZITETA U SARAJEVU

I. OPĆE ODREDBE

Član 1. (Predmet Poslovnika)

- (1) Poslovnikom o radu uređuje se rad vijeća grupacije nauka/umjetnosti (u daljnjem tekstu: vijeće grupacije) Univerziteta u Sarajevu.
- (2) Ovim Poslovnikom o radu (u daljnjem tekstu: Poslovnik) regulira se: vrsta sjednice, priprema i sazivanje sjednice, prisustvo sjednici, način vođenja sjednice, odnosno sudjelovanja u raspravama, prava i dužnosti članova vijeća grupacije, odlučivanje, sadržaj zapisnika sa sjednice, te stupanje na snagu Poslovnika.

Član 2. (Nadležnosti vijeća grupacije)

- (1) Vijeće grupacije ima nadležnost da:
 - a) bira predsjednika i zamjenika predsjednika vijeća grupacije iz reda članova na konstituirajućoj sjednici,
 - b) Senatu predlaže odluke o razvoju grupacije u saradnji sa pripadajućim članicama grupacije,
 - c) daje mišljenje o prijedlozima nastavnih planova i programa pripadajućih fakulteta/akademija,
 - d) predlaže kriterije za osiguranje kvaliteta studijskih programa i naučnog/umjetničkog rada u okviru grupacije,
 - e) usklađuje organizaciju i izvođenje nastave i podstiče interdisciplinarnu studijsku programe unutar grupacije,
 - f) podstiče i daje mišljenje o pokretanju interdisciplinarnih naučnoistraživačkih projekata,
 - g) daje mišljenje o osnivanju novih studija, odsjeka, laboratorija, instituta, istraživačkih cjelina, umjetničkih radionica i projekata, razvojnih centara i drugih organizacionih oblika na prijedlog fakulteta/akademije/instituta,
 - h) koordinira saradnju sa naučnim institutima čija se djelatnost ostvaruje iz naučnog/umjetničkog polja grupacije,
 - i) daje mišljenje o prijedlogu fakulteta/akademije/instituta za pokretanje postupka osnivanja, promjene statusa ili ukidanja fakulteta/akademije/instituta ili dijela fakulteta/akademije/instituta iz grupacije,

- j) daje mišljenje na prijedloge vijeća organizacionih jedinica za izbor u akademska/naučnoistraživačka zvanja,
 - k) daje mišljenje o prijedlogu vijeća fakulteta/akademije za sastav komisija u postupku stjecanja akademske titule odnosno naučnog zvanja doktora nauka,
 - l) utvrđuje prijedlog za dodjelu počasnog doktora Univerziteta,
 - m) imenuje svoje predstavnike u stručna i savjetodavna tijela Univerziteta i
 - n) obavlja i druge poslove u skladu sa ovim statutom i nalogima Senata.
- (2) Povodom razmatranja pitanja iz svoje nadležnosti vijeće grupacije daje mišljenja, usvaja prijedloge i donosi zaključke koje upućuje Senatu.
 - (3) Ako se vijeće grupacije ne izjasni u roku od 30 dana od datuma dostavljanja prijedloga od vijeća organizacione jedinice, dato pitanje automatski se uvrštava na dnevni red Senata na odlučivanje.

II. SJEDNICE VIJEĆA GRUPACIJE

Član 3.

(Vrste sjednica vijeća grupacije)

- (1) Sjednice vijeća grupacija održavaju se kao redovne, vanredne, tematske i elektronske.
- (2) Redovne sjednice vijeća grupacija održavaju se jednom mjesečno u terminu koji je utvrđen Akademskim kalendarom Univerziteta u Sarajevu.
- (3) Redovne sjednice označavaju se rednim brojem počevši od stupanja na dužnost novo izabranog predsjednika vijeća grupacije.
- (4) Vanredne sjednice vijeća grupacija održavaju se kada, zbog posebnih okolnosti, za tim nastane potreba.
- (5) Tematske sjednice sazivaju se radi rasprave i zauzimanja stavova ili mišljenja o pojedinim pitanjima koja su složena i zahtijevaju sveobuhvatnu raspravu.
- (6) Tematska sjednica u pravilu ima samo jednu tačku dnevnog reda, a može ih biti i više ako su tematski povezane.
- (7) Izuzetno, u slučaju potrebe hitnog donošenja određenih odluka ili zaključaka o pitanjima iz nadležnosti vijeća grupacije, sjednice vijeća grupacije se mogu održati i elektronskim putem (elektronska sjednica)
- (8) Vanredne, tematske i elektronske sjednice vijeća grupacije označavaju se redovitim rednim brojem, ali u naslovu se naznačava da je riječ o vanrednoj, tematskoj i elektronskoj sjednici.
- (9) Vanredne, tematske i elektronske sjednice vijeća grupacije održavaju se u pravilu izvan termina određenih za redovne sjednice.

Član 4.

(Prisustvo sjednici vijeća grupacije)

- (1) Sjednicama vijeća grupacije dužni su prisustvovati svi članovi vijeća grupacije, zatim prorektor zadužen za praćenje rada vijeća grupacije, generalni sekretar i ovlaštena osoba za administrativno stručnu podršku vijeća grupacije, koji učestvuju u radu vijeća grupacije bez prava odlučivanja.
- (2) Sjednicama vijeća grupacije dužni su prisustvovati izvjestioci (predstavnici stručnih službi Rektorata) iz čijeg resora se delegira tačka dnevnog reda, bez prava odlučivanja.

- (3) U slučaju spriječenosti članovi vijeća grupacije dužni su u pisanom obliku ili usmeno obavijestiti ovlaštenu osobu za administrativno stručnu podršku vijeća grupacije, najkasnije 24 sata prije održavanja sjednice, navodeći razloge spriječenosti.

Član 5.

(Predsjednik i zamjenik predsjednika vijeća grupacije)

- (1) Predsjednik i zamjenik predsjednika vijeća grupacije bira se većinom glasova članova vijeća grupacije.
- (2) Mandat predsjednika i zamjenika predsjednika vijeća grupacije traje 1 (jednu) studijsku godinu sa mogućnošću još jednog uzastopnog izbora.
- (3) Prestankom članstva u vijeću grupacije, ukoliko se radi o predsjedniku lili zamjeniku predsjednika vijeća grupacije, završava se njihov mandat i vrši se novi izbor predsjednika i zamjenika predsjednika vijeća grupacije sa trajanjem mandata do kraja tekuće studijske godine.

Član 6.

(Sazivanje sjednice vijeća grupacije)

- (1) Sjednice saziva predsjednik vijeća grupacije, a u njegovoj odsutnosti zamjenik predsjednika vijeća grupacije.
- (2) Članovi vijeća grupacije mogu kandidirati pojedina pitanja za dnevni red, tako što pisanim putem upućuju zahtjev za uvrštavanje određene tačke dnevnog reda za sjednicu sa obrazloženjem.
- (3) Poziv sa dnevnim redom za sjednicu vijeća grupacije se upućuje članovima najmanje tri dana prije održavanja sjednice, a izuzetno se pozivi mogu dostaviti i u kraćem roku.
- (4) Poziv i materijali za sjednicu se u pravilu dostavljaju u e-formatu.

Član 7.

(Vođenje sjednice vijeća grupacije)

- (1) Predsjednik vijeća grupacije rukovodi sjednicom vijeća grupacije.
- (2) Sjednica vijeća grupacije može se održati ako je na sjednici prisutno više od pola od ukupnog broja članova vijeća grupacije.
- (3) Vijeće grupacije utvrđuje dnevni red na početku sjednice.
- (4) U izuzetnim slučajevima, vijeće grupacije može i na samoj sjednici uvrstiti novu tačku dnevnog reda uz obrazloženje.
- (5) Nakon usvajanja prelazi se na razmatranje utvrđenog dnevnog reda, tako što prije raspravljanja predsjednik ili izvjestilac izloži pitanje o kojem se raspravlja.

Član 8.

(Odlučivanje na sjednici vijeća grupacije)

- (1) Vijeće grupacije o pitanjima iz svoje nadležnosti odlučuje većinom glasova svih članova utvrđujući prijedloge, zaključke, inicijative, mišljenja po svakoj tački dnevnog reda.
- (2) Usvojeni prijedlozi, zaključci, inicijative i mišljenja doneseni na sjednici vijeća grupacije, dostavljaju se rektoru/Senatu u roku od tri dana od dana održavanja sjednice vijeća grupacije.

Član 9.

(Zapisnik sa sjednice vijeća grupacije)

- (1) U toku sjednice vijeća grupacije vodi se zapisnik.
- (2) Zapisnik obavezno sadrži podatke o prisutnim i odsutnim članovima vijeća grupacije, dnevnom redu, te usvojenim prijedlozima, zaključcima, inicijativama i mišljenjima.
- (3) Zapisnik sa sjednice vijeća grupacije potvrđuje se odnosno usvaja, na prvoj sljedećoj redovnoj sjednici vijeća grupacije, kao prva, odnosno druga tačka dnevnog reda.
- (4) O osnovanosti primjedbe na zapisnik odlučuje se bez rasprave i to većinom glasova članova vijeća grupacije.
- (5) Ako se prihvati primjedba o izmjeni ili dopuni teksta, za dokumentaciju izradit će se tekst s usvojenim izmjenama ili dopunama.
- (6) Usvojeni zapisnik potpisuju predsjednik i zapisničar, isti se odlaže u arhivu, a elektronska verzija se dostavlja i ostaje na raspolaganju članovima vijeća grupacije.

III. PRELAZNE I ZAVRŠNE ODREDBE

Član 10.

(Postupak izmjena i dopuna Poslovnika)

Izmjene i dopune ovog Poslovnika vrše se na način i po postupku propisanim za njegovo donošenje.

Član 11.

(Stupanje na snagu Poslovnika)

- (1) Ovaj Poslovnik stupa na snagu danom donošenja.
- (2) Stupanjem na snagu ovog Poslovnika, prestaje da važi Pravilnik o zadacima i načinu rada grupacija visokoškolskih i naučnih članica Univerziteta u Sarajevu broj: 01-I-180/06 od 08. 02. 2006. godine.

REKTOR

Prof. dr. Rifat Škrijelj



Broj: 01-14-71-1/19
Sarajevo, 27. 05. 2019. godine